

§. 45. Etiam illa de *dextra*, ut honoratiore loco, imaginatio, in scripturam infertur, non ex scriptura, unde debebat doceri, profertur. Cui Catechismus Romanus suam superstruxit explicacionem, supra §. 38. Et Germanica Editio habet pag. m. 54. Jodoc. Lorichius in Thesauro p. 596. notat: *Ceterum ex hoc loco colligitur: occupare latus SINISTRUM, esse locum HONORATIOREM & TURTIOREM, tametsi homines contrarium observent.* In margine ponitur signum: *NB.* Catechismus Romanus ex eo, quod homines observant, explicacionem suam instituit. Lorichius, contra observationem hominum, locum sinistrum, honoratiorem esse, colligit. Satis vero de hoc, supra §. 13. & 28.

§. 46. Addimus, ut disputationem hanc finiamus, quædam Testimonia, quæ veritati expositæ propiora sunt, quibus, uti illa quidem verbis concepta sunt, etiam confirmare eandem possumus. Petr. Canisius in opere Catechet. p. m. 20. de fide & symbolo Quæstione XIX. *in cælum ascendisse, UT SECUNDUM NATURAM HUMANAM super omnia exaltaretur, & unus omnium maxime ab omnibus celebraretur. Sedet igitur Dominus JESUS in cælis ad dextram VIRTUTIS DEI PAREM cum Patre potestatem exercens, gubernans omnia, DIVINAQUE MAJESTATE resplendens penitus: quod est nimirum ad Patris sedere dextram.*

§. 47. Fridericus Nausea, Episcopus Viennensis, in Catechif. Frid. libr. 2. d. XII. Artic. Fidei, p. m. 25. *Sedere autem Christum ad dextram Patris, est, esse, habitare, gloriarique ibidem quiete & pacifice, IN ÆQUALI PARIQUE SECUNDUM ETIAM HUMANITATEM Deitati conjunctam, judiciaria potestate cum Patre, &c.*

§. 48. Conradus Clingius Catechism. libr. 2. c. 40. p. 130. 131. *Conradus quomodo sedeat ad dextram Patris sui, David Propbeta, Psalm. 109. declaravit, inquiens: Dixit Dominus Domino meo, sede a dextris meis, id est, Pater dixit Filio incarnato in ascensione POST victoriam mortis & peccati ac Satanae, sede, id est, Esto rex & Dominus super omnia, SICUT EGO. Igitur sedere ad dexteram Patris, est omnem potestatem habere in cælo & in terra: & sic Christus nunc est Dominus & rex omnipotens constitutus a patre, cui omnes creaturae in cælo & in terra subjectæ sunt, angeli,*